

ORGANI SHQYRTUES I PROKURIMIT

REPUBLIKA E KOSOVËS / REPUBLIKA KOSOVA
ORGANI SHQYRTUES I PROKURIMIT / TELO ZA RAZMATRANJE NABAVKI
NrBr. 147/17
Datë/Datum. 19.05.2017
PRISHTINË - PRIŠTINA

Një ankesë kundër: Komuna e Vitisë
(Shëno emrin e Autoritetit Kontraktues)

Për Aktivitetin e Prokurimit Nr. i AP: 657-17-1392-2-2-1

(Shëno numrin e Aktivitetit të Prokurimit)

Sa i përket tenderit për: **Mbikqyrja e projekteve investive të Komunes së Vitise**
(Shëno titullin e kontratës si në Dosjen e Tenderit)

ANKESË

1. Identifikimi i OPERATORIT EKONOMIK

Grup i Operatoreve Ekonomik: SHKELQIMI PROJEKT & AL ENGINEERING

(Shëno emrin e plotë të kompanisë suaj)

Rr."Adem Jashari" pn Viti, & Rr. "Mujë Krasniqi" C7-H11 nr.4

(Adresa)

Viti dhe Prishtinë 61000 dhe 10000

(Vendi)

(Kodi postar)

045/872669

(Numri Telefonit)

(Numri i Faks-it)

Bashkim Hasani

(Emri i plotë i përfaqësuesit të kompanisë suaj)

sh_projekt@yahoo.com

(Adresa elektronike)

19.05.2017

(Data e parashtrimit të kërkesës)


(Nënshkrimi dhe vula)

**Ankues do të thotë një palë e interesuar për parashtrim të ankesës.*

2. Identifikimi i avokatit

Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

(Emri i avokatit)

(Adresa e plotë)

(Numri i Telefonit)

(Numri i faks-it)

(Adresa elektronike)

(Data e parashtrimit të ankesës)

(Nënshkrimi dhe vula)

3. Të dhënat mbi aktivitetin e prokurimit

Shëno një përshkrim të shkurtër lidhur me datën dhe vendin në të cilën është publikuar “Njoftimi për Kontratë” apo “Njoftimi për konkurs të projektimit” dhe, nëse aplikohet “Njoftimi për dhënie të Kontratës” apo “Njoftimi për Rezultatet e Konkursit të Projektimit”, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës:

Ky aktivitet i prokurimit ka të bëjë me tenderin: **Mbikqyrja e projekteve investive të Komunes së Vitisë**. Njoftimi për kontratë është bërë me datën 10.04.2017 dhe hapja publike është parapare të bëhet me datën 19.04.2017. Njoftimi për dhenje të kontratës është bërë me 11.05.2017 ndërsa njoftimin për eliminim na është dërguar me datën 04.05.2017 (dmth na është dashtë me parashtrë ankesën para njoftimit për dhënie të kontratës). Në njoftimin për eliminim nuk na është treguar fare se kush është i përzgjedhuri si fitues i tenderit.

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po	<input checked="" type="checkbox"/>				Jo	<input type="checkbox"/>
----	-------------------------------------	--	--	--	----	--------------------------

Hapja Publike eshte bere me daten: 19.04.2017 ku kishin konkurruar kater(4) Operator Ekonomik perkatësisht Grupe Operatorësh. Tre Oferta ishin në letër ndërsa një ishte elektronike.

Ishin vetem dy perfaqesues te kompanive dhe gjithqka u përshkrua ne raportin e hapjes publike. Kompania jonë doli me cmimin me të lire perkatesisht me perqindjen me te ulet qe pas shumezimit me vlerën e investimeve shëndrohet ne vlerë monetare.

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ? A keni bërë ndonjë reagim me shkrim dhe/ose kërkuar sqarime shitesë nga AK lidhur me arsyet e eliminimit tuaj, si dhe a u është përgjigjur me shkrim AK në lidhje me këtë? Nëse po, ofroni shkurtimisht detaje mbi këtë fakt:

Po	<input checked="" type="checkbox"/>				Jo	<input type="checkbox"/>
----	-------------------------------------	--	--	--	----	--------------------------

Në njoftimin për eliminim të tenderit që na është dërguar me shkrim kemi qenë të njoftuar se gjoja jemi eliminuar për mungesën e disa dokumenteve. Nuk na është thënë se kush është fituesi ndërsa njoftimi për dhënje është bërë 7 ditë më vonë.

6. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs te Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

AK ka shkelur Nenin 10 dhe 11 të LPP-së Nr. 04/L-042 i amamndamentuar,
AK ka shkelur Nenin 27 të LPP-së Nr. 04/L-042 i amamndamentuar,
AK ka shkelur Nenin 41 dhe 54 të LPP-së Nr. 04/L-042 i amamndamentuar,
AK ka shkelur Nenin 59 të LPP-së Nr. 04/L-042 i amamndamentuar,
AK ka shkelur Nenin 60 të LPP-së Nr. 04/L-042 i amamndamentuar,

AK ka shkelur Nenin 72 të LPP-së Nr. 04/L-042 i amendamentuar,
AK ka shkelur nenin 18/A të LPP-së Nr. 04/L-042 i amendamentuar,

*** Sipas Nenit 118 të LPP, OSHP-ja do të kthej tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë e rrejshme ose mashtruese.*

7. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuara për faktet dhe argumentet të cilat mbështesin secilën bazë të ankesës tuaj.

Para se të filloj të përshkruaj faktet mbi shkeljet e AK dua të ju njoftoj se ne kemi parashtruar fillimisht kërkesën për Rishqyrtimin e Vendimit të AK tek Komuna e Vitisë. Keta të fundit e kanë shqyrtuar kërkesën tonë dhe njëjtë sikur me rastin e vlerësimit mendojmë se kanë vepruar në shpërputhje me LPP ku në këtë rastë kanë shkelur nenin 108/A pasi që nuk i kanë marrë përbazë asnjë nga kërkesat dhe faktet e paraqitura në këtë kërkesë për shkeljet dhe devijimet që kanë qenë gjatë procesit të vlerësimit si dhe gjatë procesit të qasjes në dokumentacionin e tenderit.

1. Autoriteti Kontraktues – Komuna e Vitisë përkatësisht Zyra e Prokurimit ka bërë shkelje të nenit 10 të LPP-së pasi që edhe përkundër kërkesës tonë për qasje në dokumentacionin e tenderit, nuk na ka lejuar të kemi qasje në dokumentacionin e tenderit. Pas dërgimit të kërkesës për qasje në dokumentet e tenderit ne formën elektronike dhe fizike dhe pas shume insistimeve na është thënë që mundeni të shihni dokumentet e tenderit. Mirpo kur kam filluar të interesohem për ofertën e OE që ata e kishin perzgjedhur si fitues dhe duke kërkuar të shohë se a është i përgjegjshëm, atëherë Zyrtari kryesor i prokurimit nuk me ka lejuar duke me thënë që të gjitha dokumentet i ka sekret afarist. Pas kërkesës tonë për të parë dokumentin (formularin standard “kërkesë për konfidencialitet”) për përcaktimin e sekreteve afariste të OE, të cilën Zyrtari i Prokurimit nuk e gjeti në ofertën e OE, atëherë filloi të me akuzoj për gjera se gjoja ne po bëjmë qëllimisht këtë veprim dhe se kemi qëllime tjera duke na e ndaluar qasjen e metutjeshme. Me këtë veprim na ka shkaktuar probleme pasi që kërkesën për rishqyrtim e po ashtu edhe tash ankesën për OSHP e kemi bërë duke mos pasur informata të mjaftueshme për rregullsinë e procesit të prokurimit e veçmas pjesës së vlerësimit. Nisur nga kjo hartimin e kërkesës për rishqyrtimin e vendimit të AK dhe Ankesën në OSHP e kemi përgatitur pa pasur informata të sakta rreth shkeljeve të mundshme. Përpos kësaj kjo i jep mundësinë AK që të bëjë përmirësime dhe ndryshime në procesin e prokurimit sepse ne nuk kemi shumë informata rreth dokumentacionit të këtij procesi dhe ofertave të OE. Po ashtu AK ka shkelur edhe nenin 11 të LPP lidhur me klasifikimin e informatave si sekret afarist pa kërkesën e OE.
2. Autoriteti Kontraktues – Komuna e Vitisë ka bërë shkelje të nenit 27 të LPP-së, pasi që gjatë hartimit të dosjes së tenderit ka parashtruar kërkesa jo të qarta për Operatoret Ekonomik. Kjo ka të bëjë me kërkesën: Inxhinierët e stafit të

deklarohen me shkrim se nuk janë të angazhuar në projekte të tjera, ku nuk është e saktësuar se për cilat projekte bëhet fjalë (*te Komunës së Vitisë apo në çdo projekt tjetër*). Kjo kërkesë nuk është në përputhje me kërkesat dhe rregullat e Ligjit të Prokurimit Publik.

3. AK ka shkelur nenin 41 dhe 54 të LPP-se dhe nenin 22 të Rregullores dhe Udhëzuesit Operativ të Prokurimit (RUOP) lidhur me njoftimet që duhet bërë në proceset e prokurimit. Ka shkelur nenin 41 ku edhe pas marrjes së vendimit për perzgjedhjen e OE fitues dhe njoftimit të OE të eliminuar, njoftimin për dhenje nuk e ka bërë deri 7 ditë më parë njoftimeve për eliminim duke shkelur edhe nenin 22 të RUOP-se. Ka shkelur nenin 54 lidhur me njoftimin e OE të eliminuar duke mos i njoftuar ata se kush është shpallur fitues në procesin e prokurimit. Këto veprimet mendojnë se AK e ka bërë me qëllim që OE të gabojnë dhe të jua ikë afati për ankese prej 5 ditëve nga dita e njoftimit me shkrim. Sipas rregullores së publikuar në vebfaqen e KRPP-se nëse njoftimi për dhenje dhe njoftimi i OE të pasuksesshem nuk kanë datat e njëjta atëherë bazë për llogaritjen e këtij afati merret data e njoftimit me shkrim të OE. Kjo edhe na ka shtyrë që të kërkojmë qasje të menjëhershme në dosjen e tenderit sepse ndryshe do të na ikte afati kohor. Andaj veprimin tim si këmbëngulje për qasje në dokumente zyrtari të prokurimit e ka vlerësuar si lloj kërcënimi për çka edhe ka lajmëruar policinë. Kur unë shkova në polici për ta paraqitur rastin për sjelljen e dhunshme të zyrtarit të prokurimit dhe largimin tim nga zyra duke më pamundësuar qasjen në kërkesat reale që më ofron ligji, kuptova se ai kishte paraqitur rastin kundër meje. Ky veprim i Zyrës së Prokurimit është i qëllimshëm dhe është në kundërshtim me kërkesat dhe rregullat e LPP-së mbi publikimet e njoftimeve.
4. AK-Zyra e Prokurimit ka shkelur nenin 59 dhe 60 të LPP-së që ka të bëjë me vlerësimin e ofertave dhe kriteret e vlerësimit. AK nuk ka bërë vlerësimin në përputhje me këtë nen pasi që nuk i ka vlerësuar ofertat në përputhje me kërkesat e përcaktuara në dosjen e tenderit. Neve jemi eliminuar për për disa kërkesa që i kemi plotësuar dhe i kemi pas në dosjen e tenderit (shihni dëshmitë e bashkangjitura). Jemi anuluar për mungesën e një kontrate të një puntori por në ofertën tonë është paraqitur një listë e punëtorve që janë të lajmëruar në ATK dhe figuron emri i tij. Ky dokument ndodhet në dosje dhe vërteton këtë fakt. Në këtë rast AK nuk ka rrespektuar paragrafin 2 të nenit 59 të LPP si dhe nuk e ka rrespektuar as nenin 72 të LPP për sqarim të ofertës pasi që më shumë ofron vërtetësi lista e punëtorve të lajmëruar në ATK ku shihen qartë pagesat mujore se sa një kontratë e cila mundet me qenë shumë lehtë fiktive. Vërejtjet tjera janë se na mungojnë dy referenca, na mungon lista e stafit, na mungon vendimi për caktimin e menaxherit të projektit dhe deklarata e inxhinierve që nuk janë të prfshirë në projekte tjera. Këto janë të paqëndrueshme pasi që në ofertën tonë janë tre referenca ashtu siq edhe janë kërkuar (*shihni dëshmitë e bashkangjitura*), lista e stafit nuk është kërkuar fare në dosjen e tenderit (*shihni dosjen e tenderit*), menaxheri i projektit është caktuar me vendim të konzorciumit, shihni dokumentin që ekziston në dosje për këtë emrim (*shihni dëshmitë e bashkangjitur*).

Deklaraten për mos angazhim të inxhinierve nuk e kemi paraqit sepse inxhinierët tane nuk janë të angazhuar në asnjë projekt të Komunës së Vitisë por problemi ka qenë tek kërkesa e parashtruar gabim nga Zyra e Prokurimit e cila nuk ka qenë e specifikuar se për cilat projekte bëhet fjalë(*shihe FTD lidhur me kërkesën*). Me që kërkesa ska qenë e specifikuar nuk kemi mundur edhe të deklarohejmë sepse është e pamundur që një kompani të ketë vetëm një kontratë për një vit(*të kufizohet vetëm me kontratën e Komunës së Vitisë*). Kërkesa ka qenë për mospërfshirje në ndonjë projekt tjetër por nuk e ka saktësuar se për cilat projekte bëhet fjalë pra po mendoj që u dashtë me saktësu që kjo vlenë vetëm për projekte të Komunës së Vitisë apo edhe më gjërë. Të gjitha kompanit konkurrojnë nëpër tender të ndryshëm nëpër AK tjera dhe munden edhe të fitojnë ndonjë kontratë. Kjo nuk paraqet kurfar problemi nëse kompania jonë fiton tenderin për mbikqyrje të projekteve të Komunës së Vitisë pasi që kryesorja është që në projekte të kësaj komune inxhinierët nuk janë të përfshirë.

Përpos tjerash OE i përzgjedhur si fitues ka deklarata të inxhinierve për mos angazhim në projekte tjera por realisht ata janë të përfshirë në projekte tjera dhe i bie që deklaratat janë jo reale. Bazuar në kërkesën e paspecifikuar mirë të AK i bie që ky OE ka ofruar informata jo të vërteta në ofertë që nuk përkojnë me deklaratën nën betim të nënshkruar nga OE. Kjo i bie që edhe fituesi sipas kërkesës së AK është i papërgjegjshëm.

Me përzgjedhjen e këtij OE si fitues dhe anulimin tonë, AK ka shkelur edhe nenin 60 të LPP-së duke mos na përzgjedhur neve si fitues edhe pse kemi pasur çmimin më të ulët në krahasim me tenderuesin e përzgjedhur.

- 5 AK nuk ka vepruar sipas kërkesës së nenin 72 të LPP-së në rastin e vlerësimit të ofertës tonë pasi që nuk ka kërkuar sqarime shtesë për disa paqartësi të vogla të ofertës tonë. Kjo ka të bëjë me sqarimin e listës së punëtorëve të lajmëruar në Administratën Tatimore e Kosovës. Në këtë rastë neni 72 i LPP shumë qartë e rregullon këtë qështje mirpo AK nuk e ka rrespektuar. Ky punëtor ka kontratë me kompanin tonë dhe këtë e dëshmojmë me dokumentacionin e bashkangjitur.
- 6 AK ka shkelur nenin 108/A të LPP-së pasi që gjatë shqyrtimit të kërkesës tonë për Rishqyrtimin e Vendimit të AK nuk ka marrë për bazë asnjë nga faktet e paraqitura nga ne. Përgjigjja e tyre është e mangët, e pabazuar në fakte, dhe rishqyrtimi nuk është bërë në bazë të kërkesave të dosjes së tenderit. AK ka përdorur kritere shtesë gjatë shqyrtimit të kërkesës tonë dhe veprimet e tilla bien ndesh me LPP-në.

8. Dëmet materiale

Përshkruaj mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës:

Shkeljet e tilla nga AK na shkaktojnë dëm të konsiderueshëm në fitime të munguara e po ashtu

edhe ne reputacionin e kompanisë tonë.

Prandaj mbesim me shpresë dhe lusim OSHP-ën që të shqyrtoj ankesën tone si dhe të marrë një vendim të drejtë duke u bazuar në rrethanat reale të ndodhive me këtë rastë.

9. Lista e dokumenteve (dëshmime) të bashkangjitura

Nëse aplikohet, bashkëngjitni Ankesës dokumentet e renditura më poshtë:

- a) Vendimin e AK për rishqyrtimin e kërkeses së për rishqyrtim,
- b) një kopje të publikimit të "Njoftimit për Kontratë",
- c) një kopje të letrës së eliminimit të tenderuesit/kandidatit/ letrës se tenderuesit të pasuksesshëm,
- d) një kopje të njoftimit për dhënje të kontratës,
- e) një kopje të procesverbalit të hapjes publike të tenderëve,
- f) FTD nga dosja e tenderit,
- g) Kopja e referencave,
- h) Lista e punëtorëve të lajmëruar në ATK dhe kontrata e punëtorit të kontestuar,
- i) . Dokumenti për përcaktimin e Menaxherit të Projektit,
- j) Kërkesa për qasje në dokumentacionin e tenderit,
- k) etj

****Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.*